

Ирсжәх улст тетгүл кергтә

Мана таньгъчин хотл балгъсн Элстд миньгънәс үлү хальмг өрк-бүл нүүдж ирсн бәәнә. Тедн нургълдж төрсн балгъсан тосххар ирсн улс. Тиигәд чигн балгъсна тослхтин кōдлмшт шундж, сән седкл деерәсн кōдлдж йовцхана.

Ирсн улс дунд Сибирин газрт йовад, олт-зүсн кōдлмшин халхар кōдлдж йовсн улс бәәнә. Тедн дунд тосхлтин специалистир — штукатурщикуд, малярмуд болн нань чигн кесг кергтә урн улс бәәнә.

Ода деерән, хальмг әмтн легд икәр ирджәнә, тер дотр Элст балгъснд олар ирдж бәәршлжәнә, тер учрар бәәх гермүдәр, хот-хоолар цаг зуурин тату-тартг үзгдджәхиг тоолад, ирсн хальмг тосхачнр, балгъс тосхлгъна кōдлмшт цугтан седклән тәвдж кōдлджәнә.

Кōдлджәх улсиг дахулдж хот-хоолар тетгх, бәәх бәәдлинь, культурн амрлгъинь ясрулх кергтә. Эн кōдлмш ода деерән үзмдж уга. Үлгүрлхд: үс, өдмг хулддг ларек-

сн тоогъинь икдүлх кергтә. Эндр өдр күртл бәәх нег цōкн ларекс, кесг холвад өсджәх балгъсна әмтиг тетгдж чадджахш. Ундасад ус уухар седхлә, бәәсн цōкн киосксн зәрмн халгъата, зәрмдн нам усн уга болна. Балгъсна гүүлгәнә организацс ус, унд хулддг киоскс олдулдж кōдлмшин ясх зōвтә.

Цуг балгъснд негхн бань бәәнә. Тер бань өдрин өрәләс авн кōдлнә. Үнтә кесг цаган үрәгъад чеерүдт әмтн сууцхана. Бааньд ирхлә, түрүләд үсән киргъүлх кергтә болна, баанәс гархла, ус уух дурн күрнә. Эн тоот хамг юмн бааньд бәәдг зōвтә, болв мана Элст балгъсна бааньд ним юм кех биш, бәәсн нег буфетинь хаачкв.

Эн деер келгдджах төрмүдт оньган өгч, дуту-дундинь уга кедж, кесг олт әмтнә джиргъл ясрулхд дōнъг болтха гидж, мана таньгъчин гардачнрас сурджанавдн.

БАДМИ Н ГРИГОРИЙ.

Элст балгъсн.